



COMUNU DE NURADDA
Provìntzia de Casteddu
Ufitziu de su Sìndigu

08030 NURADDA Tel. 0782/815004/ 815278 Fax 0782/815328 – C.F. 81000130914

ORDINÀNTZIA n. 30 de su 30/09/2013

Ogetu: Mesuras de Preventzioni in contu de sanidadi e contra a su fogu – Distàntzia de is terrenus postus a laori cunformas a is fàbricus civilis de sa bidda.

SU SÌNDIGU

A PUSTIS de su fogu chi at fatu dannu meda in su territòriu comunali in s'ùrtimu mesi de austu e de is babbilotis de sa genia de is coleòterus chi ant impestau is domus in localidadi "Biua";

ARREGODADA s'ordinàntzia comunali n. 09 de su 16.05.2013 in contu de sanidadi pùblica e mesuras contra a su fogu;

ARRECONNOTU s'abbisòngiu de ponni in pràtiga calichisiat interventu chi potzat serbiri po s'amparu de s'incolumidadi pùblica e privada, po prevènniri is fogus e fai in manera chi non si spàinint parassitas de calichisiat genia;

CUNSIDERAU ca cussas situatzionis funt unu perìgulu po s'incolumidadi pùblica, po s'ìgieni e po sa saludi pùblica e s'ambienti;

RITÈNNIU de ndi dèpiri bogai, po su chi est possìbili, is arrexonis de custus strubbus;

BIU su T.U. de is Leis Sanitàrias n. 1265/1934;

BIA sa Lei n^u 353 de su 21 de donniassantu de su 2000;

BIU s'art. 50 de su D.Lgs. 18/8/2000 n. 267 e mod. e integratzionis benias a pustis;

BIU s'art. 16 de sa Lei 16/01/2003, n. 3;

BIA sa Delibera de sa G.R. n. 16/20 de su 09/04/2013 e s'alliòngiu cosa sua;

ÒRDINAT

a is meris o a is pesonalis de is terrenus postus a laori in zonas acanta de is fàbricus civilis de sa bidda de arrespetai una distàntzia de metrus 15 totu a longu de su trèmini cun is domus interessadas e de ddu poderai allichidiu de calichisiat materiali sicau, lassendi aillargu de custa fàscia de protetzioni dònna arrefudu infiammàbili o chi potzat fai nàsciri parassitas chi noxint a sa saludi de s'òmini.

Is Guàrdias de su Corpus Forestali e de Vigilàntzia Ambientali, s'Arma de is Carabineris e su Sìndigu ant a billai po chi siant arrespetadas custas cunditzionis e totus is leis e is arrègulas chi esistint contras a su fogu in is padentis e in su sartu, e ant a puniri cunformas sa lei is chi non ddas arrespetant. Est amìtiu recursu contras a custa Ordinàntzia aintru de 60 diis faendi arreferimentu a su Tribunali Aministrativu Regionali (lei n. 1034/71, o aintru de 120 diis cun recursu straordinàriu a su Presidenti de sa Repùblica (D.P.R. n. 1199/71). Custa ordinàntzia at a èssiri publicada in s'albu pretòriu de su Comunu e in su situ internet.

Nuradda, 30/09/2013

Su Sìndigu
Giuanni Dessì